



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 23 » 03 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0 058-21

Ձեռնարկողը՝

«ԿԱՄ ԴԵՎԵԼՈՓՄԵՆԹՍ» ՍՊԸ

քաղաք Երևան, Միկոյան 18/2

**Գործունեությունը՝ Շենգավիթ վարչական շրջանի Արշակունյաց պողոտա հ. 33
և 33/2 հասցեներում նախատեսվող բազմաֆունկցիոնալ
համալիրի կառուցման աշխատանքների շրջակա միջավայրի
վրա ազդեցության գնահատման հայտ**
Երևան քաղաք

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Գ. Գևորգյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0 0 5 8 - 2 1

<<23>>03 2021թ.

Երևան քաղաքի Շենգավիթ վարչական շրջանի Արշակունյաց պողոտա հ. 33 և 33/2 հասցեներում նախատեսվող բազմաֆունկցիոնալ համալիրի կառուցման շրջակա միջավայրի վրա ազդեցության նախնական գնահատման հայտ

Ներածական մաս.

Ձեռնարկող՝	«ԿԱՄ ԴԵՎԵԼՈՓՄԵՆԹՍ» ՍՊԸ
Ներկայացված նյութեր՝	Նախնական գնահատման հայտ «Գ» կատեգորիա
Տեղադրման վայրը՝	Երևան համայնք, Շենգավիթ վարչական շրջան

Երևան քաղաքի Շենգավիթ վարչական շրջանի Արշակունյաց պողոտա հ. 33 և 33/2 հասցեներում «ԿԱՄ ԴԵՎԵԼՈՓՄԵՆԹՍ» ՍՊ ընկերության կողմից նախատեսվում է կառուցել ժամանակակից բազմաֆունկցիոնալ համալիր:

Նախատեսվող գործունեությունը, համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 7-րդ մասի «ա» ենթակետի, հանդիսանում է «Գ» կատեգորիայի գործունեության տեսակ:

Համաձայն նախնական գնահատման հայտի, նախատեսվող բազմաֆունկցիոնալ համալիրը կառուցվելու է անշարժ գույքի սեփականության իրավունքներ ունեցող 0.42775հա (0.35565հա+0.0721հա) ընդհանուր մակերեսով հողամասի վրա՝ Երևանի քաղաքապետարանի կողմից տրված ճարտարապետահատակագծային առաջադրանքի հիման վրա:

Հողամասերի նպատակային նշանակությունը արդյունաբերության, ընդերքօգտագործման և այլ արտադրական նշանակության է, գործառնականը՝ արդյունաբերական օբյեկտների:

Գործունեության նպատակն է՝ կառուցել ժամանակակից բազմաֆունկցիոնալ համալիր, որը լինելու է ժամանակակից լուծումներով և նյութերով իրականացվող շինություն: Այն ներդաշնակ է տվյալ տարածքի շրջակա կառույցներին:

Նկարագրական մաս.

Միմյանց կից հողամասերը (այսուհետ՝ հողամաս), գտնվում են Արշակունյաց պողոտայի և Արշակունյաց պողոտայի 3-րդ նրբանցքի հատման մասում: Հողամասը բազմանկյուն է՝ արևելքից արևմուտք ձգվածությամբ, միջինը 3.0մ ուղղահայաց նիշերի տարբերությամբ:





առևտրի կենտրոնի կազմի մեջ, իսկ 4-րդ հարկում նախատեսված է հասարակական սննդի օբյեկտ, որտեղից հնարավոր է դուրս գալ դեպի առևտրի կենտրոնի շահագործվող տանիք:

Բիզնես կենտրոնի գրասենյակային տարածքները նախատեսված են 5-րդ հարկից, տիպարային հարկը կազմակերպված է միջանցիկ տարածքի շուրջ տեղաբաշխված գրասենյակներից:

Համալիրում կիրառվելու է կենտրոնացված ջեռուցման, հովացման և օդորակման համակարգեր: Տարածքներում ամբողջությամբ կիրառվելու է ավտոմատ հրդեհաշիջման և հրդեհային ահազանգման համակարգեր: Ինժեներական սարքավորումների գերակշիռ մասը տեղադրվելու է բիզնես կենտրոնի տանիքում:

Նախատեսվող համալիրի ջրամատակարարումն ու ջրհեռացումն և էլեկտրամատակարարումն իրականացվելու են համաձայն «Վեոլիա Ջուր» և «Հայաստանի էլեկտրական ցանցեր» ՓԲ ընկերությունների կողմից տրամադրված տեխնիկական պայմանների:

Համաձայն նախնական գնահատման հայտի շինարարության տևողությունը ծրագրավորվում է 36 ամիս՝ շինարարական աշխատանքների կատարման համար թույլատրման տրամադրման օրվանից:

Շինարարական աշխատանքներին մասնակցելու են 32 մարդ:

Բանվորների աշխատանքի պաշտպանությունը նախատեսված է ապահովել վարչակազմի կողմից նրանց անհատական պաշտպանության միջոցների տրամադրմամբ (հատուկ արտահաքուստ, կոշիկ և այլն), սանիտարակենցաղային շինություններով և սարքերով գործող նորմերին և կատարվող աշխատանքների բնույթին համապատասխան:

Շինարարական աշխատանքների ընթացքում օգտագործվելու են շինարարական մեքենաներ և մեխանիզմներ՝ էքսկավատոր, աշտարակային կոունկ, բուլդոզեր, բետոնամուղ պոմպ, ավտոինքնաթափ և այլն:

Շինարարությունը ենթադրվում է իրականացնել կապալային եղանակով: Շաղախը և բետոնը կառաքվեն Երևան քաղաքի մոտակա բետոնաշաղախային հանգույցներից՝ մասնագիտացված տրանսպորտային միջոցներով: Առաքումը ծրագրավորվում է այնպիսի պարբերականությամբ, որ ապահովվի աշխատանքների անընդհատությունը:

Հիմնական թափոնատեսակը, որը կառաջանա շինարարական աշխատանքների ընթացքում կենցաղային աղբն է՝ մոտ 6.72տ, որը կտեղափոխվի աղբահավաք ծառայության կողմից: Մասնաշենքերի քանդումից և շինարարության ընթացքում առաջացող շինարարական աղբը՝ 65մ³ ծավալով՝ տեղափոխվելու է տեղական ինքնակառավարման մարմինների կողմից հատկացված վայր:

Շինարարության ընթացքում բնառեսուրսներից օգտագործվելու է ջուր՝ տարածքների ջրցանի, հողի/գրունտի խոնավացման համար և շինանձնակազմի խմելու, կենցաղային նպատակների համար: Ջրցանի ծավալները հաշվարկվում են այնպես, որպեսզի չառաջանան մակերևութային հոսքեր և ջուրը բավականացնի միայն փոշենստեցման համար: Շինարարության փուլում ընդհանուր ջրօգտագործումը կազմելու է 2448 մ³/շին.ժամ:

Անձրևների ժամանակ առաջացող շինարարական հոսքաջրերն ուղղորդվելու են շինարարական հրապարակին կից պարզարան (25մ³), որտեղ կատարվելու է մեխանիկական նստեցում:

Շինարարական աշխատանքների ընթացքում հանվելու է 45874մ³ ընդհանուր ծավալով հողային զանգված, որից 9160մ³-ը ժամանակավոր կուտակվելու և պահվելու է



Ամբողջ շինարարության ընթացքում բնապահպանական միջոցառումների համար նախատեսվում է 1200000 հազ. դրամ:

Պատճառաբանական մաս.

Համաձայն նախնական հայտի բազմաֆունկցիոնալ համալիրը կառուցվելու և շահագործվելու է ՀՀ-ում գործող օրենսդրության և նորմատիվատեխնիկական փաստաթղթերի պահանջներին համապատասխան:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, Շենգավիթ վարչական շրջանի թաղապետարանը, ինչպես նաև այլ գերատեսչություններ: Հայտը լրամշակվել է նաև ներկայացված դիտողությունների և առաջարկությունների հիման վրա:

Նախատեսվող գործունեության իրականացման արդյունքում շրջակա միջավայրի վրա ազդեցությունները պայմանավորված են լինելու շինարարական աշխատանքներով, կրելու են ժամանակավոր բնույթ և կլինեն թույլատրելի նորմայի սահմաններում:

Օրենսդրությամբ սահմանված կարգով Երևան քաղաքի Շենգավիթ վարչական շրջանի Գարեգին Նժդեհի փողոց հ.26 հասցեում իրականացվել է հանրային քննարկում, որի ընթացքում հանրությունը դրական է արտահայտվել նախատեսվող գործունեության վերաբերյալ:

Փորձաքննական պահանջներ

Նախատեսվող գործունեության իրականացման ընթացքում անհրաժեշտ է.

- առաջնորդվել ՀՀ քաղաքաշինական նորմերով և պահանջներով,
- ՀՀ օրենսդրությամբ սահմանված կարգով պահպանել արտակարգ իրավիճակների և աշխատանքի անվտանգության կանոններն ու նորմերը, արտանետվող փոշու և առաջացող աղմուկի ու թրթռումների թույլատրելի մակարդակը,
- առաջնորդվել ՀՀ կառավարության 2002 թվականի ապրիլի 20-ի N 438 որոշման 43-րդ կետի «Հիմնարկները, իրավաբանական և ֆիզիկական անձինք աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից պարտավոր են դադարեցնել աշխատանքները և դրա մասին անհապաղ հայտնել լիազորված մարմին» պահանջով,
- պարսպապատել շինարարական հրապարակները, իսկ ներքուստ և արտաքուստ վերանորոգվող շենքերն ու շինությունները ծածկել շինարարությանը համապատասխան բարձրության անթափանց թաղանթով,
- բետոնի տեղափոխումն իրականացնել հայտում նախատեսված ձևով՝ բացառելով շինարարական հրապարակում կամ հարակից տարածքներում բետոնի արտադրությունը,
- շինարարական աշխատանքների ընթացքում առաջացող թափոնների կուտակումն ու հեռացումն իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված,
- շինհրապարակից դուրս եկող մեքենաները պարտադիր լվանալ, իսկ առաջացած կեղտաջուրը հեռացնել՝ միացնելով ջրհեռացման համակարգին,
- տարածքի կանաչապատման աշխատանքներն իրականացնել համաձայն Երևանի քաղաքապետարանի կողմից հաստատված կանաչապատման նախագծի,



- շինարարության ընթացքում պահպանել բնապահպանական միջոցառումներ ծրագրում և մոնիթորինգի պլանում նախատեսված միջոցառումների իրականացումն ու ժամանակացույցերը:

ԵԶՐԱՓԱԿԻՉ ՄԱՍ

«ԿԱՄ ԴԵՎԵԼՈՓՄԵՆԹՍ» ՍՊ ընկերության կողմից ներկայացված Երևան քաղաքի Շենգավիթ վարչական շրջանի Արշակունյաց պողոտա հ. 33 և 33/2 հասցեներում նախատեսվող բազմաֆունկցիոնալ համալիրի կառուցման նախագծի շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Մասնագետ՝



Մ. Ավետիսյան